

UGOVOR O REVIZIJI FINANSIJSKIH IZVJEŠTAJA ZA 2018. GODINU

1. J.P. „Televizija Kantona Sarajevo d.o.o. Sarajevo, sa sjedištem u ul. Bulevar Meše Selimovića 12, ID broj: 4200556770003 (u daljem tekstu: Preduzeće) koje zastupa Edina Fazlagić, direktor i
2. Društvo za reviziju, finansijsko i porezno savjetovanje "Revicus" d.o.o. Zenica, sa sjedištem u ul. Bulevar Kulina bana 30, 72 000 Zenica, ID broj: 4218459060006 (u daljem tekstu: Revizor), koje zastupa Hamdija Mujinović, direktor

Predmet ugovora

Član 1.

Predmet ovog ugovora je definiranje uvjeta angažmana Revizora, te područja odgovornosti Preduzeća s jedne strane i Revizora s druge strane.

Sadržaj revizije

Član 2.

Revizor se imenuje da izvrši reviziju finansijskih izvještaja Preduzeća za 2018. godinu, u skladu sa ponudom, broj: 01-685/19 od 04.3.2019.godine, o čemu će biti sačinjen odgovarajući izvještaji sa mišljenjem Revizora.

Obaveze Preduzeća-a i Revizora

Član 3.

Preduzeće je odgovorno za vođenje poslovnih knjiga, izbor i primjenu računovodstvenih politika, te za pripremu finansijskih izvještaja koji istinito i objektivno prikazuju finansijsko stanje Preduzeća, rezultate poslovanja i promjene u novčanom toku u skladu sa Zakonom o računovodstvu, Međunarodnim računovodstvenim standardima i ostalim zakonskim propisima.

Preduzeća je obavezno staviti na raspolaganje sve računovodstvene i ostale informacije i objašnjenja koja se smatraju nužnim za ispunjenje obaveza Revizora. Poslovne knjige trebaju sadržavati dokumentaciju pripremljenu od strane Preduzeća koja dokazuje da je svaki iznos u finansijskim izvještajima pripremljen pažljivo i da je u skladu sa odgovarajućim pratećim dokumentima.

Član 4.

Primjena odgovarajućih internih kontrola, prevencija i otkrivanje prevara, grešaka i neusklađenosti sa zakonom i regulativama odgovornost je Uprave Preduzeća. Revizor će nastojati planirati reviziju kako bi sa razumnom mjerom sigurnosti otkrio značajne netačne stavke u finansijskim izvještajima ili računovodstvenim evidencijama, međutim revizija ne mora nužno otkriti sve moguće netačne stavke, prevare, greške i neusklađenosti sa zakonom i regulativama.

Član 5.

Uprava Preduzeća odgovorna je za primjenu poreskih propisa, blagovremeni obračun poreskih obaveza i njihovo plaćanje. Postupci revizije ne moraju nužno otkriti sve greške ili nedostatke koji mogu postojati vezano uz poreske obaveze. Cilj revizije je pribaviti dokaze, da gledano u cjelini, poreske stavke u finansijskim izvještajima ne sadrže materijalno značajne greške.

Revizor ne prihvata odgovornost za neispunjavanje poreskih obaveza Preduzeća, koje (neovisno o tome jesu li tokom revizije otkrivene ili nisu) ne utiču na realnost i objektivnost finansijskih izvještaja. Ovim ugovorom revizor ne preuzima obavezu obavljanja revizije poreza.

Član 6.

Revizor je obavezan izvijestiti Upravu Preduzeća da li, po mišljenju Revizora finansijski izvještaji, u svim materijalnim aspektima, realno i objektivno prikazuju finansijsko stanje Preduzeća, rezultate poslovanja i promjene u novčanom toku i da li su u skladu sa Međunarodnim računovodstvenim standardima.

Pri određivanju mišljenja razmotrit će se slijedeća pitanja ukoliko Revizor nije zadovoljan s nekim od njih:

- da li Preduzeće vodi odgovarajuće poslovne knjige i
- jesu li dobivene sve informacije i objašnjenja koja se smatraju nužnim za obavljanje revizije.

Revizor ima obavezu izvijestiti ukoliko finansijski izvještaji u svim materijalnim aspektima nisu sastavljeni u skladu sa odgovarajućim računovodstvenim standardima, osim ako je, po mišljenju Revizora, neusklađenost uzrokovana opravdanim okolnostima.

Pri utvrđivanju je li neusklađenost opravdana ili nije, Revizor će razmotriti:

- u kojoj mjeri eventualna neusklađenost utiče na realnost finansijskih izvještaja u smislu objektivnog prikazivanja finansijskog stanja, rezultata poslovanja ili promjenama u novčanom toku, i
- da li je neusklađenost adekvatno prikazana.

Obim revizije

Član 7.

Revizor će obaviti reviziju u skladu sa Međunarodnim revizijskim standardima koji nalažu provođenje testova knjiženja poslovnih događaja na pozicijama sredstava, obaveza, kapitala, prihoda i rashoda, testova postojanja, testova vlasništva i testova vrednovanja imovine i obaveza. Razumijevanje sistema računovodstvenih i internih kontrola obaviće se do nivoa koji se smatra prikladnim za razmatranje njihove prihvatljivosti kao osnove za pripremu finansijskih izvještaja i za utvrđivanje provođenja odgovarajuće računovodstvene evidencije.

Član 8.

Obim revizije ne obuhvata sva pojedina salda i knjiženja tako da eventualne greške i propusti (neovisno o tome jesu li tokom obavljanja revizije otkriveni ili ne), a koji ne utiču na realno i objektivno prikazivanje finansijskih izvještaja, poreske i druge vlasti mogu ocijeniti prekršajem. Nije obaveza revizije oblikovati ili dati mišljenje ispunjava li Preduzeće (ili ne ispunjava) zakonske propise koji regulišu svakodnevno poslovanje Preduzeća.

Član 9.

Revizija uključuje ocjenu bilo koje značajne procjene Uprave Preduzeća pri pripremi finansijskih izvještaja te ocjenu adekvatnosti odabranih računovodstvenih politika i dosljednost njihove primjene i prezentacije.

Vrijeme obavljanja revizije

Član 10.

Nakon potpisivanja ovog ugovora, Revizor će održati sastanak sa Upravom Preduzeća u cilju dogovora o značajnim činjenicama za angažman na obavljanju poslova revizije, dinamici i rokovima za realizaciju pojedinih poslova, pristupu i određivanju strategije revizije. Upoznavanje sa organizacijom i osnovnom problematikom iz domena predmeta poslovanja Preduzeća, sagledavanje primjene usvojenih računovodstvenih politika, pregled internih računovodstvenih kontrola i praćenje knjigovodstvene evidencije Revizor će obavljati kontinuirano u toku revizije.

Navedeni revizijski poslovi obaviti će se u roku od 15 dana od potpisivanja ovog Ugovora. Nacrt izvještaja o izvršenoj reviziji sa mišljenjem Revizor je dužan dostaviti najkasnije u roku od 2 dana po okončanju revizije. Očitovanje i eventualne primjedbe na nacrt izvještaja Preduzeće je dužno dostaviti Revizoru u roku od 2 dana. Nakon obavljene diskusije po dostavljenom nacrtu, Revizor je dužan konačni izvještaj o izvršenoj reviziji dostaviti u 3 (tri) primjerka, u roku od jednog dana.

Naknada

Član 11.

Naknada se odnosi samo na poslove koji su potrebni kako bi se ispunile obaveze revizora opisane u ovom ugovoru do traženog nivoa i određena je u iznosu od 4.000,00 KM bez PDV-a. Rok plaćanja je 60 dana po uručenju izvještaja o izvršenoj reviziji na transakcijski račun Revizora koji se vodi kod Sparkasse bank BH d.d. Sarajevo broj: 1990510008079273.

Nadležnost

Član 12.

Na sve što nije predviđeno ovim ugovorom primjenjivaće se odredbe Zakona o obligacionim odnosima.

Član 13.

U slučaju spora po ovom ugovoru nadležan je Sud u Sarajevu.

Član 14.

Ovaj ugovor zaključen je u četiri (4) istovjetna primjerka po dva (2) za obje ugovorne strane.

PRIPREMILA:

Alma Avdić, šef Pravne službe

"Revicus" d.o.o. Sarajevo

Hamdija Mujinović, direktor

Broj: 03-058/19

Datum: 24.04.2019.

J.P. "TVSA" d.o.o. Sarajevo

Edina Fazlagić, direktor

Broj: 07-1099/19

Datum: 23.04.2019. god.